

台州府志（光緒）

一三

光緒台州府志

黃巖王舟瑤同纂
臨海葉書

金石攷二

黃巖王佩瑤校

宋一

天台般若新寺甄塔記

右碑立於建隆二年辛酉十一月十日述建塔之始末及僧德韶重造之靈異般若寺祥符初改名護國寺在天台縣西北二十里碑在其中正書十六行兩浙金石志著錄今未見僧全實造石塔題記

右塔正方中空高不踰四尺三面題字一面鑄佛像此刻其一面也刻高一尺三寸廣八寸正書徑一寸二分六行行九

字惟第四行二字末行七字在天台山華頂峯絕高處文曰
國清寺塔院僧全實奉皇考樓三十一郎皇妣口八娘子造
此寶塔以生界開寶四年辛未九月日募緣僧文瑗玩記蓋
全實祝考妣生界而造此塔黃氏金石錄失訪
通遠坊登街甌題名

右甌廣四寸八分長僅存七寸五分面正書陰文十一字曰
陳鼎捨錢六貫買街甌五千字徑六分光緒間葉書得於郡
城稅務街廢圃中嘉定志云通遠坊在州東南三百五十步
以稅務在焉故名嘉定十六年居人自坊側重甌衢路至州
橋得舊甌二一鐫端拱四年一鐫淳化元年又石版內鐫景

德寺僧簡瓊再修今舊經有景德寺砌街記蓋此時也今案是甌當即其時物惜下載不完姑附端拱之後

日山造塔甌識

右甌凡十一品各高一尺五寸廣七寸五分厚二寸上下端文曰日山造塔甌至和三年記而鐫捨人姓名及甌之片數舊在臨海縣西五里日山宋氏藏一品盧氏藏十品又李氏亦藏有十品僅有姓名片數而無年月案嘉定志日山在臨海縣西五里以其面東朝日視諸峯獨高故名至和爲仁宗第八改元是年九月又改嘉祐塔蓋造於九月以前故稱三年也後八年復建寺其下曰永明嘉定三年錢丞相象祖奏

改顯孝南山寺今廢不存塔亦毀道光初西湖僧六舟來台講求古甌郡中嗜古者爭取以去一時盡焉台州金石錄今案日山塔舊志不載得此足以補之又洪氏掇本兩端復有日山造塔甌天地父母種來字其文尤奇

大宋台州永安縣遇明禪院碑銘

并序

右碑除額不計高四尺八寸廣二尺八寸五分篆書台州永安縣遇明禪院碑銘八字分四行字徑四寸八分正書二十三行行三十六字字徑一寸三分在仙居縣東二十里三學寺題開元寺重修二口蓮社沙門願鴻撰門弟子講經律表白僧慧月書并撰額景德二年七月十五日立案願鴻元祐

中晉樓巾子山巔息庵見嘉定志阮氏元曰願鴻文頗新穎
所謂前枕寒谿後連翠竇曉月開經秋林入定澗雲起而野
色侵鐙山雨至而松風入檻竭盡瞿曇幽寂之至

兩浙金石錄

黃

氏瑞曰嘉定志三學寺舊名西仁吳越時改遇明國朝景德
二年改今額据碑立於是年七月仍稱遇明則額固未改也
康熙仙居志以爲乾道中賜今額者近是張府志仍嘉定志
舊文誤矣兩浙金石志載是碑欽奉譌致奉大政譌大此今
依原碑正之

台州金石錄

僧道義繼仁募塑金剛裝彩捨錢題記

右刻在臨海縣東鄉雲巖寺新鑄銅鐘記碑稜左側高三尺
二寸七分廣四寸二分分四行行字不等正書徑六分記云

當寺僧首榮首盈去庚辰募衆緣捏塑金剛二身不果裝彩至景德四年當寺僧道義繼仁發心募僧俗裝彩案庚辰爲大平興國五年庚辰即辰之剝文下距景德四年凡二十七年曰去者猶言前往台州金石錄案黃瑞新鑄銅鐘記跋云此爲舊碑磨刻題隙猶刀痕隱隱鑄鐘記刻於大中祥符五年此刻先五年反在其後蓋未磨舊文也

勅台州寧海縣龍母山玉溪院龍王記

右碑高六尺五寸廣三尺二寸額篆書龍王之記四字橫列徑三寸三分正書十八行行三十六字字徑一寸二分碑末

題名一行字徑八分在寧海縣東南鄉八十里龍母山題管
內都僧正都監壇選練明智大師賜紫景堯撰天台講僧子
華書文篆額大中祥符三年冬十二月望日記案嘉定志玉
溪院舊名湫水唐元和五年建國朝大中祥符元年賜額碑
有云元和五年建湫水院長興三年錢氏有國武肅王改屈
母山爲龍母山謚龍王爲湫水通靈王志不及武肅事據此
可補碑又云隋平陳更臨海郡爲海州唐武德二年改海州
爲台攷元和郡縣志通典及太平御覽引十道志太平寰宇
記俱云隋恭帝侑義寧二年當唐武德元年沈法興據毘陵以臨海
縣置海州唐武德三年爲李子通所併四年平李子通於臨海

方輿紀勝

縣置海州五年，改爲台州。惟新唐書地理志云：台州臨海郡。本海州。武德四年，以永嘉郡之臨海置赤城。志本之，而壁記序誤與碑同，不知二三年間，台州已爲李子通所有。迨四年，李子通平，仍置海州。五年，始改台州。諸說可信。新唐書偶略而志與碑未及詳攷也。

台州金石錄

大宋台州勅賜雲巖寺新鑄銅鐘記

右碑下截已斷，僅存上截，高四尺七寸，廣三尺三寸六分。額篆書雲巖寺新鑄銅鐘記八字，分四行，字徑四寸五分。文連題廿一行，字徑一寸，秩官銜名三行，字徑九分。行字數剝落不可計。碑陰題額謹錄四衆捨錢六字，分三行，正書，徑一寸。

五分捨錢姓氏三十一行、行字不齊、正書、徑六七分不等、在臨海縣東鄉雲巖寺、題前饒州軍事雜官承奉郎試大理評事李口口撰、登仕郎台州臨海縣主簿張周甫監鑄案雜官、當即宋史食貨志雜買務雜賣場之類、台州金石錄承兩浙金石志舊文作推官、誤、碑建於大中祥符五年四月八日後、列當時秩官銜名曰宣德郎守口口屯田員外郎知軍州兼管內勸農事、借緋章得象、西頭供奉官兵馬都監押兼在城、下朝奉郎口口口贊善大夫通判軍州兼管內勸農事武騎尉借劉有方、軍事判官將仕郎試秘書省校書郎口口口承知臨海縣事、騎都尉李經、儒林郎守錄事參軍兼糧

料院

下斷

凡六人中有可證嘉定志秩官之譌者黃瑞曰志通

通判題名朱有方大中祥符中以贊善大夫至天禧三年罷

結銜同碑朱當爲劉之譌又郡守題名劉有方乾興元年以

虞部員外郎知天聖二年罷乾興上距祥符五年凡十一年

距天禧三年僅二年其爲一人升任無疑至天聖七年復以

比部郎中知九年罷蓋劉前後在台凡二十年志分爲二人

偶未及攷耳

台州金石錄

延慶院記殘石

右刻在宋誠蒼山廟記之陰上列存者六行完字僅三十餘
正書徑八分攷諸嘉定志知爲夏竦延慶院記下列存者七

行行或半字或一二字不滿十數正書徑六分不知何記竦字子高德安人宋史有傳其判台州嘉定志言在大中祥符間而無至任年月惜碑不全無從取證黃氏金石錄失訪

阿育王石像寶塔題記

右刻高一尺二寸七分廣一尺四寸二分記十一行行十六字正書徑七分題名五行行字不等正書徑五分在臨海縣東鄉眞如寺

台州金石錄

塔凡二所石砌分左右各三級四面左

所中級刻四如來像上級刻四阿育王像右所中級前三面刻如來像後一面題記上級亦刻四阿育王像七如來像旁隱隱有如來字記稱朱戒寶於天禧五年八月闔家發願造

塔迄乾興元年五月塔成

兩浙金石志

案同治間劉守璈廢其寺

瘞塔土中光緒廿三年趙守亮熙感夢修寺塔復出土披視
榻本知阮黃箬錄頗多譌脫

天台山護國寺碑銘

并序

右碑高一丈二尺四寸廣五尺四寸碑首有穿額篆書天台山護國寺碑銘八字分四行字徑六寸草書三十二行字徑一寸一分字數漫漶不可計在天台縣西鄉護國寺門外麥隴中撰書人結銜剝落不可讀天台方外志稱中書平章錢惟演撰工部尚書李端懿書檢校司空鄂州刺史錢惟濟篆額端懿書學聖教序筆法文已殘缺据此是明萬歷時已不

全、天台山志稱天聖九年立、今九年字尙存、其說不誤、其未剝蝕處有足正嘉定志之譌者、志稱護國寺、舊名般若、大中祥符元年改今額、而碑言景德中始改新名、則陳志非矣、至古麗牲之碑有穿、而佛寺碑用穿、亦非數見、錢惟演、惟濟、俱吳越王俶之子、惟演字希聖、諡文僖、宋史有傳、李端懿、字元伯、上黨人、諡良定、宋史附其父遵勛傳、

台州臨海縣勅賜延豐院記

右碑高五尺、廣二尺九寸五分、額篆書勅賜延豐院記六字、橫列、徑四寸五分、正書廿行、行四十五字、字徑七分、在臨海縣東鄉延豐寺、題建安郡進士葉交撰、鄉貢進士呂育書并

篆額記作於景祐元年仲秋。歷叙沙門師俸紹暉道歡三代
修建此寺始末。其稱寺本額曰朝遷。唐光啟三年師俸建。至
乾祐二年改曰口興。案嘉定志僅言祥符初改今額。不言口
興。依此可補。惜興上一字已剝蝕。碑末列秩官二曰給事中
行臨海縣尉同權縣事錢振儒林郎試秘書省校書郎行臨
海縣主簿權知縣事吳誠。嘉定志縣令中不載。當以暫權故。
文載師俸歸寂在太平興國六年。去光啟三年建寺已八十
七年。則師俸之壽當逾百齡矣。

台州海門普光塔院記

右碑高五尺五寸。廣二尺七寸。額篆書海門塔院之記六字。

分三行，字徑六寸五分，文正書，廿行，行四十一字，字徑八分。
在臨海縣東南鄉前所崇梵院，首題儒林郎試秘書省校書
郎行黃巖縣事_闕劉伯禹_{闕下}末署實卿用直書，景祐三年五
月朔日記_{闕上}羽篆額，後列立石秩官_{闕上}行臨海縣主簿方安
仁_{闕上}衛尉侍口監台州商稅務驍騎尉慎鎬_{闕上}著作佐郎知
臨海縣事范師道案嘉定志崇梵院建於太平興國二年初
僧智覲於寺南北建放生池，且造阿育王塔，號普光塔院，治
平三年賜今額，是記述慎公建塔，孫詮隸田及慎鎬重修始
末不及智覲建塔，必舊塔廢久，作記者失於稽攷耳。劉伯禹
上約闕九字，兩浙金石志連黃巖縣事書之，黃巖新志據以